



ԵԴ/0599/01/20

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՎՃՌԱԲԵԿ ԴԱՏԱՐԱՆ

Ո Ր Ո Շ ՈՒ Մ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՆՈՒՆԻՑ

Երևան քաղաքի առաջին ատյանի
ընդհանուր իրավասության քրեական դատարան,
նախագահող դատավոր Ս.Գրոգյան

ՀՀ վերաքննիչ քրեական դատարան,
նախագահող դատավոր՝ Ն.Հովակիմյան
դատավորներ՝ Ա.Դանիելյան
Ա.Նիկողոսյան

2 փետրվարի 2026 թվական

ք.Երևան

ՀՀ Վճռաբեկ դատարանի քրեական պալատը (այսուհետ՝ Վճռաբեկ դատարան),

նախագահությամբ՝
մասնակցությամբ դատավորներ՝

Հ.ԱՍԱՏՐՅԱՆԻ
Ս.ԱՎԵՏԻՍՅԱՆԻ
Հ.ԳՐԻԳՈՐՅԱՆԻ
Լ.ԹԱԴԵՎՈՍՅԱՆԻ
Ա.ՊՈՂՈՍՅԱՆԻ

գրավոր ընթացակարգով քննության առնելով Արթուր Հովիկի Բաբալարյանի վերաբերյալ
ՀՀ վերաքննիչ քրեական դատարանի՝ 2024 թվականի հուլիսի 31-ի որոշման դեմ
պաշտպան Մ.Պողոսյանի վճռաբեկ բողոքը,

Պ Ա Ր Զ Ե Ց

Վարույթի դատավարական նախապատմությունը.

1. 2020 թվականի մարտի 5-ին, ՀՀ ոստիկանության Արաբկիրի բաժնում, 2003 թվականի ապրիլի 18-ին ընդունված ՀՀ քրեական օրենսգրքի (այսուհետ նաև՝ ՀՀ նախկին քրեական օրենսգիրք) 175-րդ հոդվածի 2-րդ մասի 4-րդ կետով հարուցվել է թիվ 14173320 քրեական գործը:

Նախաքննության մարմնի՝ 2020 թվականի մարտի 24-ի որոշմամբ Արթուր Հովիկի Բաբալարյանը ներգրավվել է որպես մեղադրյալ և նրան մեղադրանք է առաջադրվել ՀՀ նախկին քրեական օրենսգրքի 175-րդ հոդվածի 2-րդ մասի 4-րդ կետով և 185-րդ հոդվածի 1-ին մասով:

2020 թվականի մարտի 26-ի որոշմամբ մեղադրյալ Ա.Բաբալարյանի նկատմամբ որպես խափանման միջոց է ընտրվել կալանքը:

2020 թվականի հունիսի 15-ին քրեական գործը մեղադրական եզրակացությամբ ուղարկվել է Երևան քաղաքի առաջին ատյանի ընդհանուր իրավասության դատարան (այսուհետ՝ նաև Առաջին ատյանի դատարան):

Առաջին ատյանի դատարանի՝ 2023 թվականի մայիսի 2-ի որոշմամբ Ա.Բաբալարյանի նկատմամբ որպես խափանման միջոց է ընտրվել գրավը՝ 1.000.000 (մեկ միլիոն) ՀՀ դրամի չափով:

2. Առաջին ատյանի դատարանի՝ 2024 թվականի մարտի 15-ի դատավճռով Արթուր Բաբալարյանին ՀՀ նախկին քրեական օրենսգրքի 175-րդ հոդվածի 2-րդ մասի 4-րդ կետով առաջադրված մեղադրանքը վերադրակվել է, Ա.Բաբալարյանը մեղավոր է ճանաչվել ՀՀ նախկին քրեական օրենսգրքի 176-րդ հոդվածի 2-րդ մասի 4-րդ կետով և նրա նկատմամբ պատիժ է նշանակվել ազատազրկումը՝ 3 (երեք) տարի 6 (վեց) ամիս ժամկետով: Նույն օրենսգրքի 69-րդ հոդվածի հիման վրա, Ա.Բաբալարյանի նկատմամբ նշանակված պատժին հաշվակցվել է 2020 թվականի մարտի 26-ից մինչև 2023 թվականի մայիսի 5-ն անազատության մեջ գտնվելու ժամկետը՝ 3 (երեք) տարի 1 (մեկ) ամիս 10 (տասը) օրը և վերջնական պատիժ է նշանակվել ազատազրկումը՝ 4 (չորս) ամիս 20 (քսան) օր ժամկետով:

ՀՀ նախկին քրեական օրենսգրքի 185-րդ հոդվածի 1-ին մասով Ա.Բաբալարյանի նկատմամբ քրեական հետապնդումը դադարեցվել է՝ արարքի ապաքրեականացման հիմքով:

Ա.Բաբալարյանի նկատմամբ որպես խափանման միջոց կիրառված գրավը թողնվել է անփոփոխ՝ մինչև դատավճիռն օրինական ուժի մեջ մտնելը:

Իրեղեն ապացույց ճանաչված և քրեական գործին կցված «Հոնոր 78» մոդելի բջջային հեռախոսը որոշվել է վերադարձնել տուժող Ա.Ա.-ի տնօրինությանը՝ դատավճիռն օրինական ուժի մեջ մտնելուց հետո:

Իրեղեն ապացույց ճանաչված և տուժող Ա.Ա.-ին ի պահ հանձնված «Օպել Զաֆիրա» մակնիշի ***** հաշվառման համարանիշի ավտոմեքենան որոշվել է թողնել վերջինիս տնօրինությանը՝ դատավճիռն օրինական ուժի մեջ մտնելուց հետո:

3. ՀՀ վերաքննիչ քրեական դատարանը (այսուհետ՝ նաև Վերաքննիչ դատարան) 2024 թվականի հուլիսի 31-ի որոշմամբ դատախազի և պաշտպան Մ.Պողոսյանի բողոքները մերժել է՝ Առաջին ատյանի դատարանի դատավճիռը թողնելով անփոփոխ:

4. Վերաքննիչ դատարանի վերոնշյալ որոշման դեմ պաշտպան Մ.Պողոսյանը ներկայացրել է վճռաբեկ բողոք, որը Վճռաբեկ դատարանի՝ 2025 թվականի մարտի 25-ի որոշմամբ ընդունվել է վարույթ և սահմանվել է վճռաբեկ բողոքի քննության գրավոր ընթացակարգ:

Վճռաբեկ բողոքի հիմքերը, փաստարկները և պահանջը.

Վճռաբեկ բողոքը քննվում է հետևյալ հիմքերի սահմաններում՝ ներքոհիշյալ փաստարկներով.

5. Բողոքի հեղինակի պնդմամբ՝ ստորադաս դատարանը թույլ է տվել դատական սխալ՝ նյութական իրավունքի խախտում, որն ազդել է վարույթի ելքի վրա:

Մասնավորապես, բողոքարեքը կատարելով որոշակի իրավական վերլուծություն և դրա համատեքստում գնահատելով սույն գործի փաստական հանգամանքները և վկայակոչելով տուժողի ցուցմունքը, նշել է, որ Ա.Բաբալարյանը տուժողին չի ծեծել, ֆիզիկական ցավ չի պատճառել, ձեռքերը կամ ոտքերը չի կապել, չի սահմանափակել նրա

ազատությունը, հետևաբար, իր գնահատմամբ, Ա.Բաբալարյանի գործողություններում բացակայել են ինչպես ավագակության, այնպես էլ կողոպուտի որակյալ հանգակագմերը:

6. Վերոգրյալի հիման վրա, բողոք բերած անձը խնդրել է բեկանել Վերաքննիչ դատարանի վերոհիշյալ որոշումը և կայացնելով դրան փոխարինող դատական ակտ՝ ճանաչել և հռչակել Ա.Բաբալարյանի անմեղությունը՝ իրեն մեղսագրված արարքը կատարած չլինելու պատճառաբանությամբ:

Վճռաբեկ բողոքի քննության համար էական նշանակություն ունեցող փաստական հանգամանքները.

7. Արթուր Բաբալարյանին մեղադրանք է առաջադրվել ՀՀ նախկին քրեական օրենսգրքի 175-րդ հոդվածի 2-րդ մասի 4-րդ կետով և 185-րդ հոդվածի 1-ի մասով այն արարքների համար, որ «/Ն/ա 2020 թվականի մարտի 4-ին՝ ժամը 01:40-ի սահմաններում, չպարզված անձանց հետ որպես ուղևոր գտնվելով Ա.Ա-ի կողմից վարած «Օպել Զաֆիրա» մակնիշի ***** հաշվառման համարանիշի տաքսի ավտոմեքենայում, Երևան քաղաքի Զեյթուն վարչական շրջանից դեպի Կոմիտաս պողոտա ուղևորվելու ժամանակ՝ վարորդից պահանջել է վերջինիս պարկանոց «Հոնոր 78» մոդելի 70.000 ՀՀ դրամ արժողությամբ բջջային հեռախոսը, որից հետո չպարզված անձն՝ ավտոմեքենայի նստավայրից վերցնելով հեռախոսը՝ այն փոխանցել է Արթուր Բաբալարյանին: Դրանից հետո վերջինս պահանջել է նաև գումար, սակայն Ա.Ա-ն հայտնել է, որ գումար չունի: Նույն պահին Արթուր Բաբալարյանը բռնուցքով հարվածել է Ա.Ա-ի դեմքին, որից հետո քաշել է ավտոմեքենայի ձեռքի արգելակը և ավտոմեքենան կանգնել է Երևան քաղաքի Կոմիտաս 41 հասցեի դիմաց, որտեղ իր հանցավոր նպատակն իրականացնելու համար ավագակությամբ գումար հափշտակելու դիտավորությամբ հարձակում է գործել Ա.Ա-ի վրա, որը զուգորդվել է վերջինիս առողջության համար վրանգավոր բռնություն գործադրելով, այն է՝ տաքսիի գրպանից հանելով որպես զենք օգտագործվող դանակը, այն ուղղել է Ա.Ա-ի ուղղությամբ՝ պահանջելով գումար, սակայն վերջինը հայտնել է, որ գումար չունի: Նույն պահին Ա.Ա-ն հրաժարվել է հեռախոսը վերադարձնելուց և Արթուր Բաբալարյանը դանակով հարվածել է Ա.Ա-ի ուղղությամբ, սակայն հարվածը նրան չի դիպել, քանզի նրա հետ եղած չպարզված անձը գրկելով հեռացրել է Ա.Ա-ին: (...)

Բացի այդ, նույն միջադեպի ընթացքում, Ա.Ա-ն Արթուր Բաբալարյանից պահանջել է հենք վերադարձնել իրեն պատկանող բջջային հեռախոսը, սակայն վերջինս ուրքերով դիմավորությամբ հարվածել և վնասել է Ա.Ա-ի «Օպել Զաֆիրա» մակնիշի ***** հաշվառման համարանիշի տաքսի ավտոմեքենայի բեռնախցիկը՝ պատճառելով զգալի չափերի՝ 52.000 ՀՀ դրամի գույքային վնաս»¹:

8. Առաջին ատյանի դատարանի՝ 2024 թվականի մարտի 15-ի դատավճռով արձանագրվել է հետևյալը. «(...) Նախաքննության մարմինը [Ա.Բաբալարյանի] մեղքը հիմնավորված է համարել տուժող Ա.Ա-ի, վկաներ Մ.Տերտերյանի, Ս.Մանուկյանի և Հ.Բաբալարյանի ցուցմունքներով, դեպքի վայրի զննության արձանագրությամբ, դատասարանքագիրական փորձաքննության եզրակացությամբ, տեսագրության զննության արձանագրություններով, մեքենայի զննության արձանագրությամբ, իրեղեն ապացույց ճանաչելու մասին որոշումներով: (...)

Դատարանը փաստում է, որ տուժողն իր նախաքննական ցուցմունքներում հայտնել է իրարամերժ հանգամանքներ, մասնավորապես մեքենայի մեջ հարվածների, դանակի միայն ցուցադրման, թե նաև դրանով հարվածելու փորձ կատարելու, ավտոմեքենային ուրքով և ձեռքով հարվածելու վերաբերյալ: Մինչդեռ վերոհիշյալ ապացույցներով, մասնավորապես տեսագրության հեռագրությամբ չի փաստվել, որ Արթուր Բաբալարյանի ձեռքին առկա է եղել դանակ, ավելին, տուժողն իր իսկ [դատաքննական] ցուցմունքում հայտնել է, որ Արթուր Բաբալարյանի ձեռքին իր հեռախոսն է եղել:

Ուստի, տուժող Ա.Ա-ի նախաքննական և դատաքննական ցուցմունքներում նշած հանգամանքները գնահատելով գործով ձեռք բերված թույլատրելի և վերաբերելի ապացույցների համակցության մեջ, գնահատելով ցուցմունք տված անձին վերաբերող հարկանիշները, մասնավորապես՝ շահագրգռվածության աստիճանը, ցուցմունքի ձևավորման հանգամանքները՝ Դատարանն գտնում է, որ արժանահավատ է տուժողի դատաքննական ցուցմունքները, այն հաստատվում է գործում առկա մյուս ապացույցներով, այդ թվում՝ վկաների և ամբաստանյալ Արթուր Բաբալարյանի ցուցմունքներով: (...)

¹ Տե՛ս վարույթի նյութեր, հատոր 1, թերթեր 300-306:

Դատարանը, (...) հաստատելով, որ [Ա.Բաբալարյանը] 2020 թվականի մարտի 4-ին՝ ժամը 01:40-ի սահմաններում, չպարզված անձանց հետ որպես ուղևոր գտնվելով Ա.Ա-ի կողմից վարած «Օպել Զաֆիրա» մակնիշի (...) տաքսի ավտոմեքենայում, Երևան քաղաքի Զեյթուն վարչական շրջանից դեպի Կոմիտաս պողոտա ուղևորվելու ժամանակ վարորդից պահանջել է վերջինիս պարկանոց «Հոնոր 78» մոդելի 70.000 ՀՀ դրամ արժողությամբ բջջային հեռախոսը, որից հետո չպարզված անձը՝ ավտոմեքենայի նստավայրից վերցնելով հեռախոսը, այն փոխանցել է Արթուր Բաբալարյանին: Դրանից հետո, վերջինս պահանջել է նաև գումար, սակայն Ա.Ա-ն հայրնել է, թե գումար չունի: Նույն պահին Արթուր Բաբալարյանը բռնեցով հարվածել է Ա.Ա-ի դեմքին, որից հետո քաշել է ավտոմեքենայի ձեռքի արգելակը և ավտոմեքենան կանգնել է Երևան քաղաքի Կոմիտաս 41 հասցեի դիմաց, որտեղ Ա.Ա-ից պահանջել է գումար, սակայն վերջինս հայրնել է, որ գումար չունի, որի արդյունքում նրանց միջև քաշքշուկ է սկսվել: Նույն պահին չպարզված անձանց միջամտության արդյունքում Ա.Ա-ն հեռացել է դեպքի վայրից: (...)

Դատարանն արձանագրում է, որ սույն գործում առկա ապացույցների համակցությունը բավարար չէ հիմնավոր կասկածից վեր ապացուցողական չափանիշին համապատասխան հաստատված համարելու, որ Ա.Բաբալարյանը կատարել է ՀՀ նախկին քրեական օրենսգրքի 175-րդ հոդվածի 2-րդ մասի 4-րդ կետով նախատեսված հանցավոր արարք: Մեղադրական եզրակացության հիմքում դրված ապացույցների համակցությունը բավարար չէ Ա.Բաբալարյանին մեղաազրվող հանցավոր արարքի փաստական հանգամանքները հաստատված համարելու համար այն ծավալով, որը կրացառի դրա ապացուցվածության վերաբերյալ ցանկացած ողջամիտ կասկած: Այսինքն, մեղադրանքի կողմը դատարանին չի ներկայացրել թույլատրելի, վերաբերելի և արժանահավատ ապացույցների այնպիսի համակցություն, որը հաղթահարելով անմեղության կանխավարկածը՝ անաչառ դիտորդի մոտ կձևավորի հիմնավոր կասկածից վեր համոզվածություն ՀՀ նախկին քրեական օրենսգրքի 175-րդ հոդվածի 2-րդ մասի 4-րդ կետով՝ նախատեսված հանցակազմի օբյեկտիվ կողմը բնութագրող գործողություններն ամբաստանյալ Ա.Բաբալարյանի կողմից՝ կատարելու վերաբերյալ, ինչպես նաև կհաստատի այդ մեղադրանքի մասով ապացուցման առարկան կազմող

մյուս հանգամանքները և հնարավորություն կրա կայացնելու հիմնավորված ու պարճառաբանված որոշում:

Վերոգրյալի հաշվառմամբ Դատարանը գտնում է, որ (...) ամբաստանյալ Ա.Բաբալարյանը՝ գույքի հափշտակությունը կատարել է առանց զենքի կամ զենքի նմանվող առարկայի գործադրմամբ, փուժողի կյանքի կամ առողջության նկատմամբ ոչ վրանգավոր բռնություն գործադրելով, ուստի նրան մեղաազրված արարքը ենթակա է որակման ՀՀ նախկին քրեական օրենսգրքի 176-րդ հոդվածի 2-րդ մասի 4-րդ կետով: (...)

(...) 2022 թվականի հուլիսի 1-ին ուժի մեջ մտած ՀՀ քրեական օրենսգրքով ուրիշի գույքը դիտարկությանը ոչնչացնելը կամ վնասելը, որը զգալի չափերի վնաս է պարճառել, այլևս քրեական պարասխանավորություն չի կարող առաջացնել: (...)

Այլ կերպ՝ կատարված օրենսդրական փոփոխությամբ վերացվել է Արթուր Բաբալարյանին վերագրվող արարքի կատարման պահին գործող ՀՀ քրեական օրենսգրքի 185-րդ հոդվածի 1-ին մասով նախատեսված արարքի հանցավորությունը, այն ապաքրեականացվել է, ինչն ակնհայտորեն բարելավում է ամբաստանյալի իրավական վիճակը և նրա նկատմամբ կիրառելի է (...)»²:

9. Վերաքննիչ դատարանը, անփոփոխ թողնելով վիճարկվող դատական ակտը, արձանագրել է հետևյալը. «(...) [Առաջին ատյանի դատարանը] կատարել է գործով ձեռք բերված և դատաքննությամբ հերազուրված ապացույցների պարշաճ իրավական վերլուծություն, արդյունքում եկել է ճիշտ եզրահանգման այն մասին, որ ամբաստանյալը կատարել է [ՀՀ նախկին] քրեական օրենսգրքի 176-րդ հոդվածի 2-րդ մասի 4-րդ կետով նախատեսված արարք: Դատարանի կատարած իրավական վերլուծությունը և եզրահանգումը ընդունելի է Վերաքննիչ դատարանի համար, դրանց հեր չհամաձայնելու օբյեկտիվ հիմքեր չկան:

[ՀՀ նախկին] քրեական օրենսգրքի 176-րդ հոդվածի 2-րդ մասի 4-րդ կետով նախատեսված հանցանք կատարելու մեջ ամբաստանյալ Արթուր Բաբալարյանի մեղավորության մասին Դատարանի հերությունը հիմնավոր է, այն բխում է

² Տե՛ս վարույթի նյութեր, հատոր 5, թերթեր 122-151:

դասաքննությանը հետազոտված և գործին վերաբերող փոխկապակցված ապացույցների համակցությունից»³:

10. 2025 թվականի մարտի 14-ին պաշտպան Մ.Պողոսյանը միջնորդություն է ներկայացրել Վճռաբեկ դատարան, որով խնդրել է Ա.Բաբալարյանի նկատմամբ ՀՀ նախկին քրեական օրենսգրքի 176-րդ հոդվածի 2-րդ մասի 4-րդ կետով քրեական հետապնդումը դադարեցնել՝ քրեական պատասխանատվության ենթարկելու վաղեմության ժամկետն անցնելու հիմքով:

Վճռաբեկ դատարանի հիմնավորումները և եզրահանգումը.

11. Սույն վարույթով Վճռաբեկ դատարանի առջև բարձրացված *սուաջին* իրավական հարցը հետևյալն է. հիմնավորվա՞ծ են արդյոք ՀՀ նախկին քրեական օրենսգրքի 176-րդ հոդվածի 2-րդ մասի 4-րդ կետով նախատեսված արարքի կատարման մեջ մեղադրյալ Ա.Բաբալարյանի մեղավորության վերաբերյալ ստորադաս դատարանների հետևությունները:

12. Վճռաբեկ դատարանը մշտապես ընդգծել է, որ ապացույցների գնահատումը կատարվում է ներքին համոզման հիման վրա, ինչը՝ որպես ապացույցների գնահատման արդյունք, բնութագրվում է օբյեկտիվ և սուբյեկտիվ գործոնների անխզելի կապով. այն, մի կողմից՝ պետք է բխի հետազոտվող ապացույցների բավարար համակցությունից և հիմնվի դրանց վրա, իսկ մյուս կողմից՝ անկողմնակալ դիտորդի մոտ պետք է առաջացնի այն վստահությունը, որ ապացույցները հետազոտվել են արդարության բոլոր պահանջների պահպանմամբ: Ընդ որում, թեև ապացույցները գնահատվում են ներքին համոզմունքի հիման վրա, այնուամենայնիվ, այն չի կարող կամայական լինել և պետք է բխի գործի հանգամանքների լրիվ, օբյեկտիվ և բազմակողմանի քննությունից: Այլ կերպ՝ յուրաքանչյուր գործով ապացույցման ենթակա հանգամանքները հաստատելիս (հանցագործության դեպքը և հանգամանքները, կասկածյալի և մեղադրյալի առնչությունը դեպքին, անձի մեղավորությունը քրեական օրենքով չթույլատրված արարքը կատարելու մեջ և այլն) դատարանը կրում է առկա ապացույցները բարեխիղճ

³ Տե՛ս վարույթի նյութեր, հատոր 7, թերթեր 77-91:

գնահատման ենթարկելու պարտականություն, ինչն էլ, իր հերթին, պետք է արտահայտվի պատճառաբանված եզրահանգումների տեսքով⁴:

13. Բողոքի հիմքերի և հիմնավորումների սահմաններում ստուգման ենթարկելով գործի փաստական հանգամանքների բացահայտման և քրեական օրենքի կիրառման հիմնավորվածությունը, գործը քննելիս և լուծելիս քրեադատավարական օրենքի պահանջների պահպանումը, ինչպես նաև ուսումնասիրության և գնահատման ենթարկելով քրեական վարույթում առկա նյութերը, Վճռաբեկ դատարանը հանգում է հետևության, որ ստորադաս դատարանները ՀՀ նախկին քրեական օրենսգրքի 176-րդ հոդվածի 2-րդ մասի 4-րդ կետով նախատեսված արարքում Ա.Բաբալարյանի մեղավորության վերաբերյալ հանգել են ճիշտ հետևության:

Մասնավորապես, Ա.Բաբալարյանի մեղավորության վերաբերյալ ստորադաս դատարանների դատական ակտերը բավարար չափով պատճառաբանված և հիմնավորված են, և նրա մեղավորությունը հաստատվել է ստորադաս դատարանների դատական ակտերում թվարկված՝ վերաբերելի և արժանահավատ ապացույցների բավարար ամբողջությամբ, այդ թվում՝ տուժող Ա.Ա-ի ցուցմունքով, դեպքի վայրի զննության արձանագրությամբ, դատաապրանքագիտական փորձաքննության եզրակացությամբ և այլ ապացույցներով:

14. Վերոգրյալից ելնելով՝ Վճռաբեկ դատարանը գտնում է, որ ՀՀ նախկին քրեական օրենսգրքի 176-րդ հոդվածի 2-րդ մասի 4-րդ կետով նախատեսված արարքի կատարման մեջ Ա.Բաբալարյանի մեղավորության վերաբերյալ ստորադաս դատարանների հետևությունները հիմնավորված են:

15. Սույն գործով Վճռաբեկ դատարանի առջև բարձրացված *եքկրորդ* իրավական հարցը հետևյալն է. արդյո՞ք Ա.Բաբալարյանի նկատմամբ ՀՀ նախկին քրեական օրենսգրքի 176-րդ հոդվածի 2-րդ մասի 4-րդ կետով քրեական հետապնդումը ենթակա է դադարեցման՝ քրեական պատասխանատվության ենթարկելու վաղեմության ժամկետն անցած լինելու հիմքով:

⁴ Տե՛ս, ի թիվս այլնի, ՀՀ Վճռաբեկ դատարանի՝ Մակար Հովհաննիսյանի և Աշոտ Մարտիրոսյանի գործով 2010 թվականի փետրվարի 12-ի թիվ ԵԲԲԴ/0632/01/08 և Հմայակ Դավթյանի գործով 2013 թվականի մայիսի 8-ի թիվ ՇԴ/0216/01/12 որոշումները:

ՀՀ քրեական դատավարության օրենսգրքի 12-րդ հոդվածի համաձայն՝ «1. Քրեական հետապնդումը չպետք է հարուցվի, իսկ հարուցված քրեական հետապնդումը ենթակա է դադարեցման, եթե՝

(...)

12) անձը Հայաստանի Հանրապետության քրեական օրենսգրքի ընդհանուր կամ հատուկ մասի դրույթների ուժով ենթակա է ազատման քրեական պարամիսանարվությունից. (...)»:

Նույն օրենսգրքի 13-րդ հոդվածի համաձայն՝ «1. Քրեական վարույթը ենթակա է կարճման, եթե՝

(...)

3) մեղադրյալի նկատմամբ դադարեցվել է քրեական հետապնդումը, և սպառվել են վարույթը շարունակելու բոլոր հնարավորությունները. (...)»:

ՀՀ նախկին քրեական օրենսգրքի 19-րդ հոդվածի 3-րդ մասի համաձայն՝ «Միջին ծանրության հանցագործություններ են համարվում դիտավորությամբ կատարված այն արարքները, որոնց համար սույն օրենսգրքով նախատեսված առավելագույն պարիժը չի գերազանցում հինգ տարի ժամկետով ազատազրկումը (...)»:

Նույն օրենսգրքի 75-րդ հոդվածի համաձայն՝ «1. Անձն ազատվում է քրեական պարամիսանարվությունից, եթե հանցանքն ավարտված համարելու օրվանից անցել են հետևյալ ժամկետները.

(...)

2) հինգ տարի՝ միջին ծանրության հանցանքն ավարտված համարելու օրվանից. (...)»

2. Վաղեմության ժամկետը հաշվարկվում է հանցանքն ավարտված համարելու օրվանից մինչև դատավճռի օրինական ուժի մեջ մտնելու պահը (...)»:

ՀՀ նախկին քրեական օրենսգրքի 176-րդ հոդվածի 2-րդ մասի 4-րդ կետի համաձայն՝ «Կողոպույրը, որը՝

(...)

4) զուգորդվել է կյանքի կամ առողջության համար ոչ վրանգավոր բռնություն գործադրելով կամ դա գործադրելու սպառնալիքով,

(...)

պարժվում է փուլանքով՝ նվազագույն աշխատավարձի հինգհարյուրապարիկից հազարապարիկի չափով, կամ ազատագրկմամբ՝ երեքից հինգ փարի ժամկետով»:

16. Մեջբերված նորմերի վերլուծությունից հետևում է, որ օրենսդիրը վաղեմության ժամկետն անցնելը դիտում է որպես քրեական հետապնդումը բացառող հանգամանք՝ սահմանելով, որ քրեական հետապնդում չպետք է հարուցվի, իսկ հարուցված քրեական հետապնդումը ենթակա է դադարեցման, եթե անցել են վաղեմության ժամկետները:

17. Սույն վարույթի նյութերի ուսումնասիրությունից երևում է, որ Ա.Բաբալարյանին վերագրվող՝ ՀՀ նախկին քրեական օրենսգրքի 176-րդ հոդվածի 2-րդ մասի 4-րդ կետով նախատեսված արարքն ավարտվել է **2020 թվականի մարտի 4-ին**⁵: Վերոնշյալ արարքը կատարելու մեջ Ա.Բաբալարյանի մեղավորությունը հաստատող մեղադրական դատավճիռը կայացվել է **2024 թվականի մարտի 15-ին**, որը բողոքարկվել է Վերաքննիչ դատարան, իսկ Վերաքննիչ դատարանը բողոքի քննության արդյունքում որոշում է կայացրել **2024 թվականի հուլիսի 31-ին**⁶: Նշված որոշման դեմ պաշտպան Մ.Պողոսյանի կողմից բերված վճռաբեկ բողոքը Վճռաբեկ դատարանի վարույթ է ընդունվել **2025 թվականի մարտի 25-ին**⁷:

18. Սույն որոշման նախորդ կետում մեջբերված փաստական տվյալների վերլուծությունից երևում է, որ Ա.Բաբալարյանին ՀՀ նախկին քրեական օրենսգրքի 176-րդ հոդվածի 2-րդ մասի 4-րդ կետով մեղսագրված արարքի՝ որպես միջին ծանրության հանցանքի համար նույն օրենսգրքի 75-րդ հոդվածի 1-ին մասի 2-րդ կետով նախատեսված քրեական պատասխանատվության ենթարկելու հնգամյա ժամկետը լրացել է **2025 թվականի մարտի 4-ին**, իսկ այդ պահի դրությամբ, վերջինիս նկատմամբ կայացված մեղադրական դատավճիռն օրինական ուժի մեջ մտած չի եղել, ուստի պետք է Ա.Բաբալարյանի վերաբերյալ Առաջին ատյանի դատարանի՝ 2024 թվականի մարտի 15-ի դատավճիռը և այն անփոփոխ թողնելու մասին Վերաքննիչ դատարանի՝ 2024 թվականի հուլիսի 31-ի որոշումը բեկանել՝ Ա.Բաբալարյանի նկատմամբ ՀՀ նախկին քրեական օրենսգրքի 176-րդ հոդվածի 2-րդ մասի 4-րդ կետով քրեական հետապնդումը

⁵ Տե՛ս սույն որոշման 7-րդ կետը:

⁶ Տե՛ս սույն որոշման 2-րդ և 3-րդ կետերը:

⁷ Տե՛ս սույն որոշման 4-րդ կետը:

դադարեցնել և քրեական վարույթը կարճել՝ քրեական պատասխանատվության ենթարկելու վաղեմության ժամկետն անցած լինելու պատճառաբանությամբ:

19. Միաժամանակ Վճռաբեկ դատարանը գտնում է, որ Արթուր Բաբալարյանի նկատմամբ որպես խափանման միջոց ընտրված գրավը պետք է վերացնել, իսկ վճարված 1.000.000 (մեկ միլիոն) ՀՀ դրամ գրավի գումարը՝ վերադարձնել գրավատուին:

Անդրադառնալով իրեղեն ապացույցների տնօրինման հարցին՝ Վճռաբեկ դատարանը գտնում է, որ իրեղեն ապացույց ճանաչված և քրեական գործին կցված՝ «Հոնոր 78» մոդելի բջջային հեռախոսը պետք է վերադարձնել տուժող Ա.Ա-ի տնօրինությանը:

Իրեղեն ապացույց ճանաչված և տուժող Ա.Ա-ին ի պահ հանձնված «Օպել Զաֆիրա» մակնիշի ***** հաշվառման համարանիշի ավտոմեքենան պետք է թողնել նրա տնօրինությանը:

Վճռաբեկ դատարանը գտնում է նաև, որ արտավարության փաստաթուղթ ճանաչված և սույն վարույթի նյութերին կցված փաստաթղթերը պետք է թողնել քրեական վարույթում:

Ելնելով վերոգրյալից և ղեկավարվելով Հայաստանի Հանրապետության Սահմանադրության 162-րդ, 163-րդ և 171-րդ հոդվածներով, Հայաստանի Հանրապետության քրեական դատավարության օրենսգրքի 12-րդ, 13-րդ, 31-րդ, 33-րդ, 34-րդ, 264-րդ, 281-րդ, 352-րդ, 359-րդ, 361-363-րդ և 400-րդ հոդվածներով՝ Վճռաբեկ դատարանը

Ո Ր Ո Շ Ե Ց

1. Արթուր Հովիկի Բաբալարյանի վերաբերյալ Երևան քաղաքի առաջին ատյանի ընդհանուր իրավասության քրեական դատարանի՝ 2024 թվականի մարտի 15-ի դատավճիռը և այն անփոփոխ թողնելու մասին ՀՀ վերաքննիչ քրեական դատարանի՝ 2024 թվականի հուլիսի 31-ի որոշումը բեկանել:

2. Արթուր Հովիկի Բաբալարյանի նկատմամբ 2003 թվականի ապրիլի 18-ին ընդունված ՀՀ քրեական օրենսգրքի 176-րդ հոդվածի 2-րդ մասի 4-րդ կետով քրեական

հետապնդումը դադարեցնել և քրեական վարույթը կարճել՝ քրեական պատասխանատվության ենթարկելու վաղեմության ժամկետն անցած լինելու հիմքով:

3. Արթուր Հովհիկի Բաքալարյանի նկատմամբ ընտրված խափանման միջոցը՝ գրավը, վերացնել և վճարված 1.000.000 (մեկ միլիոն) ՀՀ դրամ գրավի գումարը վերադարձնել գրավատուին:

4. Իրեդեն ապացույց ճանաչված և քրեական գործին կցված՝ «Հոնոր 78» մոդելի բջջային հեռախոսը վերադարձնել տուժող Ա.Ա.-ի տնօրինությանը:

Իրեդեն ապացույց ճանաչված և տուժող Ա.Ա.-ին ի պահ հանձնված «Օպել Զաֆիրա» մակնիշի ***** հաշվառման համարանիշի ավտոմեքենան թողնել նրա տնօրինությանը:

5. Արտավարության փաստաթուղթ ճանաչված և վարույթին կցված փաստաթղթերը թողնել քրեական վարույթում:

6. Որոշումն օրինական ուժի մեջ է մտնում կայացնելու օրը:

Նախագահող՝

Հ.ԱՍԱՏՐՅԱՆ

Դատավորներ՝

Ս.ԱՎԵՏԻՍՅԱՆ

Հ.ԳՐԻԳՈՐՅԱՆ

Լ.ԹԱԴԵՎՈՍՅԱՆ

Ա.ՊՈՂՈՍՅԱՆ